

Cu apertura ayeratardi:

Universidad di Aruba a bira realidad

ORANJESTAD(AAN) -- Den presencia di un cantidad di persona e apertura di e universidad di Aruba a tuma lugar.

Entre esnan presente tabata Prome Ministro di Antiyas Maria Liberia Peters, Prome Ministro Eman, Gobernador F.J.Tromp, presidente di Corte Comun di Justicia mr. J.Saleh, Ministronan: Vos, Booi y Croes, miembronan di Staten, e colegio di curatornan, docentenan di Raad van Advies, miembronan di e poder judicial.

Mr. Piet Pronk na number di e colegio di curatornan a yama tur esnan presente bon bini. El a muestra ariba e trabaonan cu mester a worde haci pa asina logra apertura di e universidad.

E no kier a menciona number pero a haci un excepcion y a menciona cu e frerenan de La Salle a coopera hopi bon. E frerenan segun mr. Pronk a pone nan hogar na disposicion bao condicionnan generoso.

Mr. Pronk a enfatisa cu lo cuminsa cu 50 estudiante y lo pone hopi atencion ariba e exigencianan di calidad y nivel. E creacion di un universidad propio, awor a bira un hecho pero ta depende di nos tur si e institucion aki por cumpli cu su funcion cu nos ta spera di dje.

Presidente/curator mr. R.A.Croes a introduci e otro miembronan di e colegio di curatornan na esnan presente: Juez mr. Lafleur, presidente di Staten mr. H.Gonzalez, secretario di Consejo di Ministro A. Muyale, abogado mr. Swaen y procurador general mr. F.Wernet.

Mr. Croes a bisa cu un di e tareanan di e colegio aki ta pa eherce un directiva di e universidad. E otro tarea importante ta pa tene curso pa "hogerkader" y e posibilidad pa investigacion di ciencia.

Croes a señala e necesidad pa haci uso di expertonan. El a gradici Gobierno pa e confianza cu nan a pone den e colegio di curatornan.

Gobernador Tromp a enfatisa cu e actividadnan economico creciente den un comunidad chikito manera esun di nos ta requeri di un aumento di intensidad di conocimiento. Si kier mantene un cultura di nivel halto, inversionnan grandi den ciencia ta na su lugar.

E evidente necesidad di conocimiento potencial ta justifica e inversion den un universidad, Gobernador Tromp a enfatisa.

Ministro Croes a enfatisa cu e universidad di Aruba no ta un meta ariba su mes, pero ta un medio pa alcanza metanan mas

aleu. Creacion di oportunidad pa nos hendenan pa desaroya nan posibilidadnan intelectual y talentonan, ta salo for di un concepto di hende como un organismo dinamico y optimista.

Pesey segun Ministro Croes cu establecimiento di e universidad aki, ta traha tambe na creacion di un hende pa futuro cu lo coresponde na e concepto vital, dinamico y creativo aki.

J.A. van Boven, secretario general suplente di ministerio Hulandes di enseñanza y ciencia a haci tres remarke ariba e nota enseñanza 1988. E instituto nobo pa formacion di esnan cu ta duna enseñanza segun van Boven ta muestra un bon punto di salida pa futuro. E instituto aki lo bira un punto pa topa for di cual henter e asunto di enseñanza lo por tuma lugar.

Pa loke ta trata e asunto di financiamiento di estudio, van Boven a aplaudi cu Aruba kier bay over na un propio sistema di financiamiento di estudio, esta un sistema completamente los for di esun Hulandes.

Señor van Boven a conseha pa desaroya un sistema pa Aruba y pa Antiyas cu tin e mesun puntonan di salida. Su conseho tabata pa yega na un Centro di Estudio di e Universidad Habri

Sigui lesa pag. 19